

KERATAN AKHBAR BULAN NOVEMBER 2021
UTUSAN MALAYSIA

KANDUNGAN LIPUTAN HARIAN BULAN NOVEMBER 2021

BIL.	TARIKH	TAJUK BERITA	MUKA SURAT
1.	03.11.2021	Denda RM10,000 Kemuka Dokumen Palsu Diesel	2
2.	30.11.2021	RM20.5 Bilion Aset Dana 1MDB Telah Dipulangkan	3
3.	30.11.2021	Tidak Mengaku Rasuah RM27,500	4

UTUSAN MALAYSIA | 03 NOV 2021 | MS 13

Denda RM10,000 kemuka dokumen palsu diesel

KUALA TERENGGANU: Bekas penolong penyelia syarikat pembekal minyak didenda RM10,000 di Mahkamah Se-syen di sini kerana mengemukakan dokumen palsu bagi mendapatkan lebihan 50,000 liter diesel, lapan tahun lalu.

Hakim Dazuki Ali men-jatuhi hukuman itu selepas Hasrul Amran Mamat, 43, mengaku bersalah atas pertuduhan yang dibacakan.

Mahkamah turut memerintahkan lelaki itu dipenjara empat bulan jika gagal membayar denda tersebut.

Berdasarkan pertuduhan, Hasrul Amran didakwa menge-mukakan resit palsu bagi mendapatkan lebihan 50,000 liter minyak diesel gantian yang bernilai RM135,000 serta caj servis berjumlah RM4,225.

Kesalahan didakwa dilaku-kan di Pejabat Petronas Ma-ritim, Petronas Cari Gali Sdn. Bhd. di Pangkalan Bekalan Ke-



Hasrul Amran didakwa mengemukakan resit palsu bagi mendapatkan lebihan 50,000 liter minyak diesel..."

maman (KSB), Kemaman pada 18 Ogos 2013.

Pendakwaan dikendalikan Timbalan Pendakwa Raya, Irwan Shah Abdul Samat manakala tertuduh diwakili pe-guam, Mohd. Hisham Hashim.

Tertuduh didakwa mengi-kut Seksyen 471 Kanun Ke-seksaan dan boleh dihukum di bawah Seksyen 465 kanun yang sama.

UTUSAN MALAYSIA
SABTU • 20 NOVEMBER 2021

5

Dalam Negeri

RM20.5 bilion aset dana 1MDB telah dipulangkan

PETALING JAYA: Suruhanjaya Pencegahan Rasuah Malaysia mengesahkan Jabatan Hal Ehwal Komesial (CAD) Singapura telah membuat pemulangan wang milik bekas Ketua Pegawai Eksekutif (CEO) SRC International Sdn. Bhd., Nik Faisal Ariff Kamil kepada Kerajaan Malaysia kelmarin.

SPRM dalam satu kenyataan memberitahu, pemulangan itu dilakukan menerusi Akaun Amanah Mendapatkan Kembali Aset atau Assets Recovery Trust Account milik Kementerian Kewangan Malaysia berjumlah AS\$864,813.27 (RM3.6 juta).

Kata kenyataan itu lagi, kerajaan Singapura sebelum ini juga telah membantu dalam pemulangan aset sebanyak AS\$15.4 juta (RM64 juta) kepada Malaysia melibatkan akaun Cutting Edge Industries Ltd. milik suami bekas Gabenor Bank Negara Malaysia, Tan Sri Dr. Zetj Akhtar Aziz iaitu Datuk Dr. Tawfiq Ayman dan Bekas pegawai kanan firma NTUC, Samuel Goh Sze-W.

1MDB

1Malaysia Development Berhad

“SPRM kini sedang giat meneruskan pemulihan aset dana 1Malaysia Development Berhad (1MDB) di dalam dan luar negara seperti Amerika Syarikat, Emiriah Arab Bersatu (UAE), Taiwan dan Singapura.

“Sehingga kini, SPRM dengan kerjasama dan bantuan agensi-agensi penguasa antarabangsa telah berjaya memulangkan sejumlah RM20.5 bilion aset dana 1MDB telah dipulangkan kepada kerajaan Malaysia,” kata kenyataan itu.

Mengulas lanjut, kenyataan itu memberitahu, SPRM juga sedang dalam usaha untuk pemulihan aset bagi negara-negara seperti Switzerland, Kuwait, Mauritius, Cyprus, Hong Kong yang melibatkan individu yang mempunyai kaitan dengan kes 1MDB.

UTUSAN MALAYSIA | 30 NOV 2021 | MS 12

Tidak mengaku rasuah RM27,500

KUALA TERENGGANU: Bekas pengurus Ladang Tabung Tentera Terengganu mengaku tidak bersalah di Mahkamah Sesyen, di sini semalam atas enam pertuduhan menerima rasuah bernilai RM27,500, kira-kira enam tahun lalu.

Tertuduh, Sauddin Che Lamin, 57, membuat pengakuan tersebut selepas pertuduhan dibacakan di hadapan hakim, Dazuki Ali.

Mengikut pertuduhan, tertuduh didakwa menerima suapan berkenaan sebagai upah kerana memilih dua syarikat bagi melaksanakan kerja-kerja pembekalan barang di ladang.

Kesalahan itu didakwa dilakukan di Ladang Tabung Tentera Terengganu di Kemaman antara Julai hingga Disember 2015.

Sauddin didakwa mengikut Seksyen 16 (a) (A) Akta Suruhanjaya Pencegahan Rasuah Malaysia (SPRM) dan boleh dihukum penjara sehingga 20 tahun dan denda tidak kurang daripada lima kali ganda nilai suapan atau RM10,000 mengikut mana yang lebih tinggi, jika sabit kesalahan.